

اللہ جل جلالہ

کلام سلطان باہو



الف اللہ چنبے دی بوٹی ہمن وج مسرت لائی ہو
نقی اشبات داپانی ملیس ہر رگے ہر جانی ہو

تعارف

حضرت سلطان باہو رحمۃ اللہ علیہ ضلع جھنگ پنجاب کے ایک گاؤں شورکوٹ میں 1039ھ میں پیدا ہوئے۔

آپ کے والد ماجد حضرت محمد بازید نہایت صالح، پابند شریعت، حافظ قرآن اور فقیہ، مسئلہ دان اور اپنے وقت کے بڑے عالم تھے۔

حضرت سلطان باہو کی والدہ ماجدہ حضرت بی بی راستی جو اولیائے کاملین میں سے تھیں، کو باطن میں بذریعہ الہام قبل از ولادت اعلام ہوا کہ آپ کے بطن سے عنقریب ایک ایسا ولی اللہ عارف واصل اور فقیر کامل ظہور فرمائے گا جو آخری زمانے میں تمام روئے زمین کو اپنے انوار فیضان سے معمور کر دے گا۔ اس کو باہو کے مبارک نام سے موسوم کرنا۔

بچپن ہی میں آپ کی پیشانی مبارک سے انوار ولایت ہو پدا تھے۔ آگے چل کر آپ باہو سے سلطان باہو کہلانے لگے۔

حضرت سلطان باہو کو باطن میں نبی کریم صلی اللہ علیہ وآلہ وسلم نے بیعت فرمایا ہے اور ان کو ایسی طور پر آنحضرت صلی اللہ علیہ وآلہ وسلم سے فیض، تلقین اور ارشاد باطنی حاصل ہوا ہے۔

حضرت سلطان باہو اپنی کتاب ”ایہ الکونین“ میں ارشاد فرماتے ہیں کہ عرصہ تیس سال تک مرشد کامل کی طلب میں جا بجا پھرتا رہا ہوں۔ چنانچہ انہوں نے اس طویل

عرصہ میں بے شمار مشدوں کو دیکھا اور ان میں سے اکثر کاملین عارفین سے ملے اور ان کی دل و جان سے خدمت کی اور ان سے فیوضات اور برکات حاصل کیں۔ لیکن اس زمانے کے ان فیوضات اسماء و صفات سے ان کی تسکین نہ ہو سکی۔

آخر اس نور ذات کی طلب صادق اور جذب و عشق حقیقی نے ان کو اس سالار سالکان، سرور دو جہاں اور سید انس و جان ختم الانبیاء احمد مجتبیٰ حضرت محمد مصطفیٰ صلی اللہ علیہ وآلہ وسلم کی ذات جمع جمع تک پہنچا دیا اور اس بحر انوار ذات میں اس قدر حصہ وافر حاصل کیا اور نور مطلق ہو کر فقر کے ایسے بلند ترین مقام پر پہنچ گئے جہاں سے اوپر اور کوئی مقام باقی نہ رہا۔

حضرت سلطان باہو نے فارسی زبان میں ایک سو سے زیادہ کتابیں تصنیف فرمائی ہیں۔

حضرت سلطان العارفین نے 1102ھ میں تاریخ کیم جمادی الثانی اس دار فانی سے دار البقاء کی طرف رحلت فرمائی۔

حضرت سلطان باہو کا مزار مبارک دریائے چناب کے مغربی کنارے ایک گاؤں میں جو ہے جو انہی سے نام سے موسوم ہے۔ اور جھنگ سے پچاس میل دور جنوب کی جانب قصبہ گڑھ مہاراجہ کے نزدیک تحصیل شورکوٹ میں واقع زیارت گاہ خواص و عام اور مرجع جملہ انام ہے۔

☆==☆==☆



الف اللہ چنے دی بوٹی

الف اللہ چنے دی بوٹی مرشد میرے من وچ لائی ہو
نفی اثبات دا پانی ملیا ہر رگے ہر جانی ہو
اندر بوٹی مشک مچایا، جاں پھٹکن پر آئی ہو
جیوے مرشد کامل باہو، جیس او بوٹی لائی ہو

الف اللہ چنے دی بوٹی

الف اللہ چنے دی بوٹی، مرشد من وچ لاندہ ہو
جس گت اتے سوہنا راضی، او گت سدا سکھاندا ہو
ہر دم یاد رکھے ہر دلیے، سوہنا اٹھدا بہاندا ہو
آپ سمجھ سکھیدا باہو، آپے آپ ہو جاندا ہو

الف اللہ جاں سہی کیتوسے

الف اللہ جاں سہی کیتوسے، چمکیا عشق اگوہناں ہو
راتیں دینہاں تاء تکھیرے، کرے اگوہناں سوہناں ہو
اندرے بالن اندرے بھاپیں، اندرے دھکھدا دھوہناں ہو
شہ رگ تھیں رب نیڑے باہو، عشقے کیتا سوہناں ہو

الف الست نوں سنیا

الف الست نوں سنیا تاں سن، ملیا روپ ودھیرا ہو
روحان پچھیا کون شہزادہ، جینہوں ملیا سہرا ہو
یارہویں صدی ظاہر تھیاں، باہو ناں ہے میرا ہو
روح آکھن محبوب نبی دے، پا ساڈے دل پھیرا ہو

اندر کلمات کل کل کردا

اندر کلمات کل کل کردا، عشق سکھایا کلمات ہو
چوداں طبق نہیں کلمے اند، چھوڑ کتاباں قلمات ہو
کانے کپ کپ قلم بناون، لکھ نہ سکن کلمات ہو
کلمات پیر پڑھایا باہو، ذرا نہ رہیاں الماں ہو

ایمان گیا عشقے دے پاروں

ایمان گیا عشقے دے پاروں ، کافر ہو کے رہے ہو
گھت زنا کفر دا گل وچ ، بت خانے وچ بے ہو
جس تھاں جانی نظر نہ آوے ، سجدہ مول نہ دے ہو
جانی نظر نہ آوے باہو ، تاں کھماں نہ کہے ہو

اچے بے مور چچلاون

اچے بے مور چچلاون ، جل ملے مرغایاں ہو
دکھاں دی سرکھاری چائی ، کرم کریں رب سائیاں ہو
اپنیاں مینوں طعنے دیوں ، کیڑا دوش پرائیاں ہو
کلر کھار وی چھوڑیا باہو ، عشق مہاراں چائیاں ہو

اکھیاں سرخ تے مونیہیں زردی

اکھیاں سرخ تے مونیہیں زردی ، ہر دلوں ول آہیں ہو
مونہہ امتھا خشبوی والا ، پوہتا دنج کدائیں ہو
عشق مشک نہ چھے رہندے ، ظاہر تھیں اتھائیں ہو
نام فقیر جینہاں دا باہو ، لامکانی جائیں ہو

اکھیاں نوں میں پئی سمجھاواں

اکھیاں نوں میں پئی سمجھاواں ، نہ رو ڈھاہیں ڈھاہیں ہو
دل نوں صبر قرار نہ آوے ، کجھن دونوں ناہیں ہو
اندھے بالن اندرے دھواں ، اندھے بھڑکن بھاہیں ہو
طالب ہاں دیدار دا باہو ، اپنا آپ دکھائیں ہو

اوجھڑ جھل تے مارو بیلا

اوجھڑ جھل تے مارو بیلا ، جتھے جان آئی ہو
جس کندھی نوں ڈھاہ ہمیشہ ڈھٹھی کل ڈھبائی ہو
نیں جینہاں دے دے سراندی ، سکھ نہ سوندے رائی ہو
ریت پانی جتھے کٹھے باہو ، اتھ نہ بچدی کائی ہو

ایہو نفس اساڈا نیلی

ایہو نفس اساڈا نیلی ، نال اساڈے سدھا ہو
زاہد عالم آن نواوے ، جتھے دیکھے تھدھا ہو
جو وی اس دی کرے سواری ، او سے دا راہ سدھا ہو
راہ فقر دا مشکل باہو ، ماء سیرا نہ ردھا ہو

اللہ پڑھیا پڑھ حافظ ہو یا

اللہ پڑھیا پڑھ حافظ ہو یا ، گیا حجابوں پردہ ہو
پڑھ پڑھ عالم فاضل ہو یا بھی طالب ہو یا زردا ہو
لکھ ہزار کتاباں پڑھیاں ظالم نفس نہ مردا ہو
باہجہ فقیراں کسے نہ ماریا باہو اہ ظالم چور اندر دا ہو

الف اللہ صحیح کیتوس

الف اللہ صحیح کیتوس جدوں چمکیا عشق اگوہاں ہو
رات وہیں دیوے تاکھڑے نت کرے اگوہاں سوہاں ہو
اندر بھائیں اندر بالن اندر دے وچ دھوآں ہو
باہوشاہ لگ رب تھیں نیڑے لدھا جدوں عشق کیسا سوہاں ہو

الف احد جدتی وکھالی

الف احد جدتی وکھالی از خود ہو یا فانی ہو
قرب وصال مقام نہ منزل نہ اوتھے جسم نہ جانی ہو
نہ اوتھے عشق محبت کالی نہ اوتھے کون مکانی ہو
عین تھیوں باہو ہر وحدت سبحانی ہو

اندر ہوتے باہر ہو

اندر ہوتے باہر ہو وت باہو کتھ لھیندا ہو
ہو دا داغ محبت والا دم دم نال سڑیندا ہو
جتھے ہو کرے روشنائی اوتھوں چھوڑ اندیرو سیندا ہو
دوہیں جہان غلام اوس باہو ہجو ہونوں صحیح کریندا ہو

ازل ابدتوں صحیح کیتوس

ازل ابدتوں صحیح کیتوس دیکھ تماشے گزرے ہو
چوداں طبق دے دے اندر آتش لائے حجرے ہو
جہاں حق نہ حاصل کیئا اہ دوہیں جہانیں اُجڑے ہو
عاشق غرق ہوئے وچ وحدت باہو دیکھ تہاندے حجرے ہو

ایمان سلامت ہر کوئی منگے

ایمان سلامت ہر کوئی منگے عشق سلامت کوئی ہو
منگن ایمان شرماؤں عشقوں دل نون غیرت ہوئی ہو
جس منزل نون عشق پوچا دے ایمان خبر نہ کوئی ہو
میرا عشق سلامت رکھیں باہو ایمانوں دھریاں دھردلی ہو

ایہہ نفس اساڈا نیلی

ایہہ نفس اساڈا نیلی جے نال اساڈے سدھا ہو
جو کوئی اُس دی کرے تباہی اُس نام اللہ دالذہا ہو
زاہد عابد آن نوائے جتھے نکڑا دیکھے تھدا ہو
راہ فقر دا مشکل باہو گھر ماں نہ سیرا رڈھا ہو

الست بزکم سنیا دل میرے

الست بزکم سنیا دل میرے جند قالوا ملی کوکیندی ہو
حب وطن دی غالب ہوئی اک پل سون نہ دیندی ہو
عاشقان مول نہ قبولی باہو کر کر زاریاں روئندی ہو
قہر پوے تینوں رہزن دنیا جو توں حق دا راہ مریندی ہو

اڈھی لعنت دنیا تائیں

اڈھی لعنت دنیا تائیں ساری دنیا داران ہو
جہاں راہ صاحب دے خرچ نہ کیستی غضب دیاں ماراں ہو
بیواں کولوں پتر کوہندی ہٹھ دنیا مکاراں ہو
جہاں ترک دنیا تھیں کیستی باہو لیسن باغ بہاراں ہو

اندر وچ نماز اساڈی

اندر وچ نماز اساڈی یکے جا تھیوے ہو
نال قیام رکوع سجودے کر تکرار پڑھیوے ہو
اہ دل ہجر فراقوں سڑدا اہ دم مرے نہ جیوے ہو
سچا راہ محمد والا باہو تھیں وچ رب لکھیوے ہو

ایہہ تن میرا چشماں ہووے

ایہہ تن میرا چشماں ہووے میں مرشد دینچ نہ رجاں ہو
لُوں لُوں دے مڈھ لکھ لکھ اکھیاں اک کھولاں اک کچاں ہو
اتیناں ڈٹھیاں وی صبر نہ آوے فیر ہو رکھے دل بھجاں ہو
مرشد دا دیدار اے باہو مینوں لکھ کر وڑاں خجاں ہو

ایہہ تن رب سچے دا حجرا

ایہہ تن رب سچے دا حجرا وچ پا فقیرا جھاتی ہو
نال کر منت خواج خضر دی تیرے اندر آب حیاتی ہو
شوق دا دیوا بال ہنیرے متھاں لکھی دست کھڑاتی ہو
مرن تھیں اگے مر ہے باہو جہاں حق دی رمز پچھانی ہو

باہو باغ بہاراں کھڑیاں

باہو باغ بہاراں کھڑیاں ، نرگس ناز شرم دا ہو
دل وچ کعبہ صحیح کیتو سے پاکوں پاک پر م دا ہو
طالب طلب طواف تمامی حُب حضور حرم دا ہو
گیا حجاب تھیو سے حاجی ، باہو ، جد اں بخشویس راہ کرم دا ہو

بغداد شہر دی کیا نشانی

بغداد شہر دی کیا نشانی ، اُجیاں لٹیاں چیراں ہو
تن من میرا پرزے پرزے ، جیوں درزی دیاں لیراں ہو
لہنہاں لیراں دی گل کفنی پا کے ، رلساں سنگ فقیراں ہو
بغداد شہر دے ٹکڑے منکساں باہو ، کرساں میراں میراں ہو

باہجھ حضوری نہیں منظوری

باہجھ حضوری نہیں منظوری ، توڑے پرہن بانگ صلاتاں ہو
روزے نفل نماز گزارن ، توڑے جاگن ساریاں راتاں ہو
باہجھوں قلب حضور نہ ہو دے ، توڑے کدھن سے زکاتاں ہو
باہو باہجھ فنا رب حاصل ناہیں ، ناں تاثیر جمارتاں ہو

بے ادباں ناں سارا ادب دی

بے ادباں ناں سارا ادب دی ، گئے ادباں تھیں وانجے ہو
جیہڑے تھان مٹی دے بھانڈے ، کدی نہ ہوندے کانجے ہو
جیہڑے مڈھ قدم دے کھیڑے ہون ، کدی نہ ہوندے رانجھے ہو
جیوں حضور نہ منگیا باہو ، گئے دوئیں جہانیں وانجے ہو

بزرگی نوں گھت وہن رُڑھائیے

بزرگی نوں گھت وہن رُڑھائیے ملیے رَج منہ کالا ہو
لا الہ گل گہنا مڑھیا ، مذہب کی لگدسالا ہو
إلا اللہ گھر میرے آیا ، جیوں آن اٹھایا پالا ہو
اساں بھر پیالا خضروں پیتا ، باہو آب حیاتی والا ہو

بسم اللہ، اسم اللہ دا

بسم اللہ ، اسم اللہ دا ایہہ دی گہناں بہاراں ہو
نال شفاعت سرور عالم ، چھٹھی عالم سارا ہو
حدوں بے حد درود نبی نوں جیندا ایڈ پیارا ہو
میں قربان تھیاں توں باہو ، جہاں ملیا نبی سہارا ہو

بہ چلایا طرف زمین دے

بہ چلایا طرف زمین دے ، عرشوں فرش نکایا ہو
گھر تھیں ملیا دیس نکالا ، اسان لکھیا جھولی پایا ہو
ریہہ نی دنیا نہ کر جھیرا ، ساڈا آگے دل گھبرایا ہو
اسیں پردیسی ساڈا وطن دور اڈا باہو دم دم غم سوایا ہو

بے تے پڑھ کے فاضل ہوئے

بے تے پڑھ کے فاضل ہوئے حرف نہ پڑھیا کسے ہو
جیں پڑھیا تھیں شوہ نہ لڈھا ، جاں پڑھیا کجھ تے ہو
چوداں طبق کرے روشنائی انھیاں کجھ نہ دتے ہو
باجھ وصال اللہ دے باہو ، سبھ کہانیاں قطفے ہو

بوہتی میں اوگن ہاری

بوہتی میں اوگن ہاری ، لاج پئی گل اُسدے ہو
پڑھ پڑھ علم کرن تکبر ، شیطان جیہیا وتھے مُسدے ہو
لکھاں نوں بھو ، دوزخ والا ہک نت بہشتوں رُسدے ہو
عاشقاں دے گل چھری ہمیشاں باہو ، آگے محبوبہ دے کسدے ہو

باری وچوں باشہ پھڑیا

باری وچوں باشہ پھڑیا ، حکمت نال پھہایا ہو
دے دے طعنے وڈیاں کیتا ، تن دا ماس کھوایا ہو
سر تے ٹوپی پیریں گھنگھرو ، عجب لباس پوایا ہو
باشہ دی کیہ یاری باہو ، اڈیا وت نہ آیا ہو

پڑھ پڑھ علم ملوک رجھاون

پڑھ پڑھ علم ملوک رجھاون کیہہ ہو یا ایس پڑھیاں ہو
ہرگز مکھن مول ناں آوے پھٹے دودھ دے کڑھیاں ہو
آکھ چندورا ہتھ کے آئیو ایس دنگوری چینیاں ہو
ہک دل خستہ رکھیں راضی باہو لئیں عبادت ورہیاں ہو

پڑھ پڑھ علم اشراف نہ تھیندے

پڑھ پڑھ علم اشراف نہ تھیندے ، جیہڑے اصل کینے ہو
پتل سونا مول نہ بن دا ، جڑیے لکھ گننے ہو
شوم سخی نہ بن دے توڑے ، ہودن لکھ خزینے ہو
باہجوں عشق نجات نہ باہو ، مردے رہن مدینے ہو

پڑھیا علم تے ودھی مغروری

پڑھیا علم تے ودھی مغروری عقل بھی گیا توہاں ہو
 بھلا راہ ہدایت والا نفع نہ کیئا دوہاں ہو
 سر دیتاں جے سر ہتھ آوے سودا ہار نہ توہاں ہو
 وڑیں راز محبت والے باہو کوئی رہبر لے کے سوہاں ہو

پڑھ پڑھ عالم کرن تکبر

پڑھ پڑھ عالم کرن تکبر ملاں کرن وڈیائی ہو
 گلیاں دے وچہ پھرن نمانے بغل کتاباں چائی ہو
 جتھے دیکھن چنگا چوکھا اوتھے پڑھن کلام سوائی ہو
 دوہیں جہانیں سوئی مٹھے باہو جہاں کھادی بوج کھائی ہو

پڑھ پڑھ علم مشائخ سداون

پڑھ پڑھ علم مشائخ سداون کرن عبادت دوہری ہو
 اندر جھگی پئی لیوے تن میں خبر ناں موں موری ہو
 مولا والی سدا کھالی دل توں لاه نکوری ہو
 باہو رب تنہاں توں حاصل جہاں جگ ناں کیتی چوری ہو

پاک پلٹ نہ ہوندے ہرگز

پاک پلٹ نہ ہوندے ہرگز توڑے رہندے وچہ پلٹتی ہو
 وحدت دے دریا اچھلے ہک دل صحتی نہ کیتی ہو
 ہک بت خانے واصل ہوئے ہک پڑھ پڑھ رہن مستی ہو
 فاضل سٹ فضیلت بیٹھے باہو مشق نماز جاں نعتی ہو

پیر ملیاں جے پیڑ ناں جاوے

پیر ملیاں جے پیڑ ناں جاوے اسنوں پیر کی دھرناں ہو
 مرشد ملیاں ارشاد نہ من توں اوہ مرشد کی کرناں ہو
 جس ہادی کولوں ہدایت تاہیں اوہ ہادی کی پھڑناں ہو
 جے سر دیتاں حق حاصل ہووے باہو اس موتوں کی ڈرناں ہو

پاٹا دامن ہو یا پرانا

پاٹا دامن ہو یا پرانا کچرک سیوے درزی ہو
 حال دا محرم کوئی نہ ملیا جو ملیا سو غرضی ہو
 باجھہ مربی کسے نہ لدھی سمجھی رمز اندر دی ہو
 او سے راہ دل جائیے باہو جس تھیں خلقت ڈردی ہو

پنجے محل پنجال وچہ چان

پنجے محل پنجال وچہ چان ڈیواکت دل دھریے ہو
 پنجے مہر پنجے پنواری حاصل کت دل بھریے ہو
 پنجے امام تے پنجے قبلے سجدہ کت کریے ہو
 باہو جے صاحب سر منگے ہرگز ڈھل نہ کریے ہو

تارک دنیا تہیو سے

تارک دنیا تہیو سے جداں فقر یلو سے خاصا ہو
 راہ فقر دا تہیو سے جداں تھ پکڑیو سے کاسا ہو
 دریا وحدت دا نوش کینو سے اجاں بھی جی پیاسا ہو
 راہ فقر رت ہنجوں ردون باہو لوکاں بھانے پاسا ہو

تلہ بنھ توکل والا

تلہ بنھ توکل والا ہو مردانہ تریے ہو
 جیس دکھ تھیں سکھ حاصل ہووے اس دکھ تھیں نہ ڈریے ہو
 اِنَّ مَعَ الْعُسْرِ يُسْرًا آیا جت اسے دل دھریے ہو
 اوہ بے پرواہ درگاہے باہو اوتھے رو رو حاصل بھریے ہو

تن تندور ہڈاں دا بالن

تن تندور ہڈاں دا بالن ، آہیں نال تپایا ہو
 دکھاں دا میں آتا پیٹھا ، ہنجواں نال گنھایا ہو
 خون جگر تھیں پیڑے کیتے ، عشق پکیتھن لایا ہو
 میں قربان جہاں نوں باہو ، دم دم درد سوایا ہو

تن من یار دا شہر بنایا

تن من یار دا شہر بنایا دل وچہ خاص محلہ ہو
 آن الف دل دسوں کیتی میری ہوئی خوب تسلہ ہو
 سب کچھ مینوں پیاسینوے جو بولے ماسو اللہ ہو
 درد منداں ایہہ رمز پچھاتی باہو بے دراں سر کھلہ ہو

ترہنہ پہراں وچ

ترہنہ پہراں وچ کجھ نہ کھٹیا ، دیر نوں کہیہ کرسیں ہو
 لے لے تو شہ عملاں والا ، نہیں تاں دم دم سڑسیں ہو
 جھوک لدایاں پچھو تاسیں ، جوہ بیگانی وڑسیں ہو
 بھج ویلے مرشد باہو ، نبی دے بیڑے چڑھسیں ہو

تیری بے پرواہی کولوں

تیری بے پرواہی کولوں ، جند اساڈی ڈردی ہو
ہٹ وکاندی مجھی جیہڑی ، شوہ دریا دے تردی ہو
چولا میرا لیر پلیراں ، کیوں سیسی درزی ہو
نہ کوئی محرم ملیا باہو ، جو ملیا سو غرضی ہو

تسی پھیری دل نہ پھریا

تسی پھیری دل نہ پھریا ، کیہ لینا اس پھڑ کے ہو
پڑھیا علم تے عمل نہ کیتا ، کیہ لینا اس پڑھ کے ہو
چلہ کیتا کجھ نہ کھٹیا ، کیہ لینا اتھ وڑ کے ہو
باہو جاگ بناں نہ حمدے ، لال ہون دڈھ لڑھ کے ہو

توڑے تنگ پرانے ہون

توڑے تنگ پرانے ہون گجھے نہ رہندے تازی ہو
مار نقارہ دل وچہ وڈیا کھیڑ گیا اک بازی ہو
مار دلاں نوں جوں دتوں جدوں تنگے نین نیازی ہو
انہاں نال کیہ ہو یا باہو جہاں یار نہ رکھیا راضی ہو

تسی داتوں کسی ہو یوں

تسی داتوں کسی ہو یوں ماریں دم ولیہاں ہو
من دا منکا اک نہ پھیریں گل پائیں بیج دیہاں ہو
دین لکیاں گل گھوٹو آدے لین لکیاں جھٹ شیہاں ہو
پتھر چت جہاں دے باہو اوتھے زایا دسناں میناں ہو

تد فقیر شتابی بندا

تد فقیر شتابی بندا جد جان عشق وچہ ہارے ہو
عاشق شیشا تے نفس مر بی جاں جاناں توں وارے ہو
خود نفسی چھڈ ہستی تھیرے لاه سروں سب بھارے ہو
باہو باجھ مویاں نہیں حاصل تھیرد توڑے سے ساگ اتارے ہو

توں تاں جاگ ناں جاگ فقیرا

توں تاں جاگ ناں جاگ فقیرا انت نوں نور جگایا ہو
اکھیں میٹیاں ناں دل جاگے ، جاگے مطلب پایا ہو
ایہہ نکتہ جداں کیتا پختہ تاں ظاہر آکھ سنایا ہو
میں تاں بھل دیندی ساں باہو مینوں مرشد راہ دکھایا ہو

ثابت صدق تے قدم اگیرے

ثابت صدق تے قدم اگیرے تاہیں رب لہیوے ہو
لوں لوں دے وچہ ذکر اللہ دا ہر دم پیا پڑھیوے ہو
ظاہر باطن عین عیانی ہو ہو پیا سنیوے ہو
نام فقیر تہاں دا باہو قبر جہاں دی جیوے ہو

ثابت صدق تے قدم اگیرے

ثابت صدق تے قدم اگیرے تاہیں رب لہیوے ہو
زاہد سے ریاضت کر کر ، خون جگر دا پیوے ہو
لکھ ہزار کتاباں پڑھ کے ، دانشمند سدیوے ہو
جیہیں وجہ حب دنیا دی باہو ، مول فقیر نہ تھیوے ہو

ثابت عشق جہاں نیں لڑھا

ثابت عشق جہاں نیں لڑھا جہاں تڑپ چڑ چا کیتی ہو
ہیں اوہ صوفی ہیں اوہ صوفی ہیں کجہہ کرن مستی ہو
خالص تیل پرانے آئے نہیں کجہہ رنگ کجھٹھی ہو
قاضی آن شرع میں پھو کوہیں عشق نہلا نہ نیچی ہو

ثابت ہو کے ڈھونڈ لے

ثابت ہو کے ڈھونڈ لے ، تیرے اندر کون بولیندا ہو
سے درھیاں توں کرے عبادت ، بھیت ذرا نہ دیندا ہو
ایہو لعل بدخشاں والا ، جس نوں پھریں ڈھونڈیندا ہو
اوسے توں قربا آں باہو ، جیہڑا سعی کریندا ہو

جیہیں دل اسم اللہ دا چمکے

جیہیں دل اسم اللہ دا چمکے ، عشق دی کردا پلے ہو
کستوری نہ چھپدی بھانویں ، دے رکھیے سے پلے ہو
انگلیں مگردوں دہنہ نہ چھپدا ، دریا رہن نہ ٹھلے ہو
اساں اسے وجہ اوہ اسانہہ وجہ ، باہو یار سوتے ہو

جیہیں دہنہہ دائیں در تھڈے تے

جیہیں دہنہہ دائیں در تھڈے تے ، صحتی وجہ کیتا ہو
اس دہنہہ دا سر ندا اتھائیں ، در بیا نہ لیتا ہو
سر دیوان کجھ آکھن ناہیں ، شوق پیالا پیتا ہو
میں قربان تہاں نے باہو ، عشق سلامت کیتا ہو

جو دل منگے ہووے ناہیں

جو دل منگے ہووے ناہیں ہودن گیا پریرے ہو
دوست نہ دیوے دل دا دارد، عشق نہ واگاں پھیرے ہو
اس میدان محبت دالے بلدے تاء تر کھڑے ہو
میں قربان تہاں تھیں باہو جہاں رکھیا قدم اگیرے ہو

جس الف مطالعہ کیتا

جس الف مطالعہ کیتا بے دا باب نہ پڑھدا ہو
چھوڑ متانی لدھوں ذاتی اہ عالی دور چاکر دا ہو
نفس لارہ کیترا جانے ہاز نیاز نہ دھردا ہو
کیا پرواہ تہاں نوں باہو جہاں گھاڑو لڈھاگر دا ہو

جے چاہیں وحدت رب دی

جے چاہیں وحدت رب دی مرشد دیاں مل نکلیاں ہو
مرشد لطفوں کرے فکار کھنڈیوں سب کلیاں ہو
ابھتاں کلیاں وچوں اک اک ہونے لکھ پھلیاں ہو
دوہیں جہانیں تہاں باہو جہاں منگ کیتا دو ڈلیاں ہو

جیس دل عشق خرید نہ کیتا

جیس دل عشق خرید نہ کیتا سو دل بخت نہ بنتی ہو
اُستاد دل دے سبق پڑھلایا تھہ دتی اوس دل بنتی ہو
بمسر آیاں دم ناں ماریں جاں سر آوے سختی ہو
پڑھ توحید تھیوی واصل باہو سبق پڑھیوے دتی ہو

جیس دل عشق خرید نہ کیتا

جیس دل عشق خرید نہ کیتا ، سو دل درد نہ پھٹی ہو
جیس دل عشق حضور نہ منگیا ، سو درگاہوں سنی ہو
اس دل تھیں پتھر دی چنگے ، جو دل غفلت اٹی ہو
باہو یار نہ ملیا جیہاں ، چوڑ نہ کیتی تڑٹی ہو

جیس دل عشق خرید نہ کیتا

جیس دل عشق خرید نہ کیتا ، خسرے مرد زمانے ہو
خٹے خسرے ہر ہک آکھے ، کون آکھے مردانے ہو
نگیاں دے وچ پھردے جیویں ، جنگلی دھور دیوانے ہو
گل تہ پوسی جس دم باہو، عشق بنھن گانے ہو

جودل منگے تھیوے ناہیں

جو دل منگے تھیوے ناہیں ، تھیون رہیا پرڑے ہو
یار نہ دیوے دل دا دارو، عشق نہ واگاں پھیرے ہو
اس میدانِ محبت دے وچ ، ملدے تاء تکھیرے ہو
میں قربان تہاں نیں باہو ، رکھیا قدم اگیرے ہو

جاں دا مرشد کاسا دترّا

جاں دا مرشد کاسا دترّا ، تاں دی بے پرواہی ہو
راتیں جاگیاں کیہ ہویا جے ، مرشد جاگ نہ لائی ہو
راتیں جاگیں کریں عبادت ، ننڈیا دنے پرائی ہو
دنیا کوڑا تخت اے باہو ، فقر ہے پچھا شانی ہو

جل جلیندے جنگل بھوندے

جل جلیندے جنگل بھوندے ، ہکا گل نہ پکی ہو
چلے کیتے حج گزارے ، دل دیا دوڑ نہ ڈکی ہو
تریہ روزے تے پنج نمازاں ، ایہہ وی پڑھ پڑھ تھکی ہو
کل مراداں حاصل باہو ، نظر کامل جاں تنگی ہو

جیندے سار مویاں کیہ جانن

جیندے سار مویاں کیہ جانن ، سو جانے جو مردا ہو
قبراں دے وچ نہ ان پانی ، خرچ لوڑیندا گھردا ہو
ہلک وچھوڑا ماء پیو بھائیاں ، بیا عذاب قبر دا ہو
واہ نصیبہ باہو جیہڑا ، وچ حیاتی مردا ہو

جے توں چاہیں وحدت رب دی

جے توں چاہیں وحدت رب دی ، مل مرشد دیاں تلیاں ہو
مرشد لطفوں کرے نظارا ، گل تھیون سبھ کلیاں ہو
گلاں وچ ہوک لالہ ہوسی ، گل نازک گل پھلیاں ہو
دو جگ مٹھڑے باہو جہاں سنگ ، کیتا دوں دوں دلایاں ہو

جے رب نہایتیاں دھوتیاں ملدا

جے رب نہایتیاں دھوتیاں ملدا ، ملدا ڈڈواں مچھیاں ہو
جے رب وال ودھائیاں ملدا ، ملدا بھیداں سیساں ہو
جے رب راتیں جاگیاں ملدا ، ملدا کال کرچھیاں ہو
رب تہا نوں ملدا باہو ، نیٹاں جییں دیاں پچھیاں ہو

جتنے رتی عشق رکاوے

جتنے رتی عشق رکاوے اوتھے مول ایمان نہ ڈھیوے ہو
کُتب کتاباں تے ورد وظیفے اوتر چا کچھوے ہو
باجھوں مرشد کجھ نہ حاصل توڑے راتیں جاگ پرہیوے ہو
مریے مرن تھیں اگے باہو، تاں رب حاصل تھیوے ہو

جو پاکی بن پاک ماہی

جو پاکی بن پاک ماہی دے سو پاکی جان پلیتی ہو
ہک بتخانے جا واصل ہوئے ہک خالی رہے مسیتی ہو
عشق دی بازی لئی جہاں سر دیندیاں ڈھل نہ کیتی ہو
ہرگز دوست نہ ملیا باہو جہاں ترٹی چوڑ نہ کیتی ہو

جنگل دے وچ شیر مریلا

جنگل دے وچ شیر مریلا باز بولے وچ گھر دے ہو
عشق جہا اشرف نہ کوئی جہا نہ جھڈے وچ زردے ہو
عاشقاں نیندر بھکھ نہ کوئی عاشق مول نہ مردے ہو
عاشق سوئی جیوندے باہو، جہڑے رب لگے سر دھردے ہو

جیوندے کیہہ جانن سار مویاں دی

جیوندے کیہہ جانن سار مویاں دی سو جانے جو مردا ہو
قبرال دے وچ اُن نہ پانی اوتھے خرچ لوڑیندا گھردا ہو
اک وچھوڑا ماں پیو بھایاں دوجا عذاب قبر دا ہو
ایمان سلامت تےس دا باہو، جہڑا رب لگے سر دھردا ہو

جاں تائیں خودی کریں

جاں تائیں خودی کریں خود نفسوں، تاں تائیں رب نہ پاویں ہو
شرط فنا نوں جانیں ناہیں، نام فقیر سداویں ہو
موئے باج نہ سوہندی الفی، ایویں گل وچ پاویں ہو
نام فقیر ہے سوہندا باہو، جیندیاں جے مر جاویں ہو

جہاں عشق حقیقی پایا

جہاں عشق حقیقی پایا مونہوں نہ کجھ الاون ہو
ذکر فکر وچ رہن ہمیشہ دم نوں قید لگاؤں ہو
سری، روجی، قلبی، صوری، انخی خفی کہاؤں ہو
میں قربان تہاں تھیں باہو جہڑے بکس نگاہ جگاؤں ہو

جہاں شوہ الف تھیں پایا

جہاں شوہ الف تھیں پایا اہ فیر قرآن نہ پڑھدے ہو
 اہ مارن دم محبت والا ، دور ہو یو نے پردے ہو
 دوزخ بہشت غلام تہاندے پاکیتو نے بردے ہو
 میں قربان تہاں تھیں باہو، جہڑے وحدت دے وچ وڈدے ہو

جب لگ خودی کریں خود نفسوں

جب لگ خودی کریں خود نفسوں تب لگ رب نہ پاویں ہو
 شرط فناہ نوں جانے ناہیں تے اسم فقیر رکھاوَن ہو
 سوئے باجھ نہ سوہندی الفی ایویں گل وچ پاویں ہو
 تہوں نام فقیر ہے سوہندا باہو جے جیوندیاں مر جاویں ہو

جیوندیاں مر رہنا ہودے

جیوندیاں مر رہنا ہودے تاں دیس فقیراں بہئے ہو
 جے کوئی سئے گڈا کوڈا وانگ اُروڈی رہئے ہو
 جے کوئی کڈھے گاہلاں مہاں اس نوں جی جی کہئے ہو
 لگہ الاہناں بھنڈی خواری یار دے پاروں سہئے ہو
 قادر دے ہتھ ڈور اساڈی باہو جیوں رکھے تیوں رہئے ہو

جو دم غافل سو دم کافر

جو دم غافل سو دم کافر سانوں مرشد اہ پڑھایا ہو
 سنییاں سخن گکیاں کھل اکھیں اساں چت مولا دل لایا ہو
 کیتی جان حوالے رب دے اساں ایسا عشق کمایا ہو
 مرن تھیں مر گئے لگے باہو تاں مطلب نوں پایا ہو

جیکر دین علم وچ

جیکر دین علم وچ ہو مذااتاں سر نیزے کیوں چڑھدے ہو
 اٹھاراں ہزار جو عالم آہا اہ لگے حسین دے مردے ہو
 جے کجھ ملاحظہ سرور دا کردے تاں خیمے تنبو کیوں سڑدے ہو
 جے کر من دے بیعت رسولی تاں پانی کیوں بند کردے ہو
 پر صادق دین تہاندے باہو جو سر قربانی دھردے ہو

جددا مرشد کاسہ دتا

جد دا مرشد کاسہ دتا تدوی بے پرواہی ہو
 کیہ ہو یا جے راتیں جاگیں جے مرشد جاگ نہ لائی ہو
 راتیں جاگیں تے کریں عبادت وینھ نندیا کریں پرائی ہو
 کوڈا تخت دنیا دا باہو تے فقر سچی پادشاہی ہو

چڑھ چناں، تے کر روشنائی

چڑھ چناں ، تے کر روشنائی ذکر کریندے تارے ہو
 گلیاں دے وچ پھرن نمانے ، لعلاں دے ونجارے ہو
 شالا مسافر کوئی نہ تھیوے ، ککھ جہاں توں بھارے ہو
 تاری مار اڈا نا باہو ، اساں آپے اڈن ہارے ہو

چڑھ چناں تے کر روشنائی

چڑھ چناں تے کر روشنائی تارے ذکر کریندے تیرا ہو
 ترے جیسے چن کئی سے چڑھدے ، سانوں بچناں باجھ ہنیرا ہو
 جتھے چن اساڈا چڑھدا ، اوتھے قدر نہیں کجھ تیرا ہو
 جس دے کارن اساں جنم گویا باہو یار ملے اک پھیرا ہو

حافظ پڑھ پڑھ کرن تکبر

حافظ پڑھ پڑھ کرن تکبر مٹاں کرن وڈیائی ہو
 ساون مانہ دے بدلاں وانگوں پھرن کتاباں چائی ہو
 جتھے دیکھن چنگا پوکھا ، اوتھے پڑھن کلام سوائی ہو
 دوہیں جہانیں تھے باہو ، جہاں کھادی وچ کمائی ہو

خام کیہ جانن سار فقر دی

خام کیہ جانن سار فقر دی جہڑے محرم ناہیں دل دے ہو
 آب مٹی تھیں پیدا ہوئے خامی بھانڈے گل دے ہو
 لعل جواہراں دا قدر کی جانن ، جو سوداگر دل دے ہو
 ایمان سلامت سوئی دیسن باہو ، جیہڑے بھج فقیراں مل دے ہو

دال دے وچ ذکر اللہ دا

دال دے وچ ذکر اللہ دا ، سو دل دور دلیلوں ہو
 دال دا دور اگوہناں کر لے ، کثرت کنوں قلیلوں ہو
 قطب ، کمال ، جمالوں ، جسموں ، جوہر ، جاہ جلیلوں ہو
 قبلہ قلب منور باہو ، خلوت خاص خلیلوں ہو

دال دلیلاں چھوڑ وجودوں

دال دلیلاں چھوڑ وجودوں ، ہو ہشیار فقیرا ہو
 بنھ توکل پنچھی اڈدے ، پلے خرچ نہ زیرا ہو
 روزی روز اڈ کھان کدیں نہ ، کردے کول ذخیرا ہو
 مولا خرچ اپڑاوے باہو ، جو پتھر وچ کیڑا ہو



دل دریا سمندروں کا ڈوگھے

دل دریا سمندروں کا ڈوگھے کن واں واں ہائے نہ
وچ کلا سے وسے نیو سے وسے وگھ موہائے نہ
پرواں مٹی اگلے سے اندھے مٹن تیرو دینے تائے نہ
جو دل دا عزم ہووے پتہ سوئی رب بچھائے نہ

دل دریا سمندروں کا ڈوگھا

دل دریا سمندروں کا ڈوگھا غم مار غمسی نہ
بھس دیا دینے لول نہ کچھ رسی ہاں ہاں نہ
جو دم مال اللہ سے رگن ڈاکر غم سے آئی نہ
اں مرشد تھیں زن کھر پتہ جو پتہ پتہ آئی نہ

دل دریا خواجہ دیوانہ کا

دل دریا خواجہ دیوانہ کا کھر پڑاں نہ
راگن دلیاں دینے دینے سے ہے تھماں نہ
کب پردی کیوں آئی تیرا ہے گی دیوں ماراں نہ
اس کہیاں کھر پتہ سے مٹن دنگھراں دھاراں نہ

دلے وچہ دل جو آگھیں

دلے وچہ دل جو آگھیں سو دل اندہ دلیوں نہ
دلے دا دھ آگھوں کے کلاٹ کون قلیوں نہ
کب کمال بھلاں ہسوں جو پتہ پتہ چلیوں نہ
کھد کھب جو پتہ پتہ غموت تاس قلیوں نہ

دل دی روز بھری دل ہووے

دل دی روز بھری دل ہووے . ہاں کیں کیں سکتی نہ
تھاکر ہاکر پاک دیندے ، من دین کھنڈ لکتی نہ
تاس مٹی پھانے سے نہ . چاھدا رنگ آگھیں نہ
میں قرہاں تھیں مٹی پتہ . مگر مٹی سے لکتی نہ

دل بازار تے موہہ دروازہ

دل بازار تے موہہ دروازہ . بھوہ مہر دیندا نہ
روح سوہاگر غم سے دلیوں . حق دا نام مریدا نہ
پاں توڑی ایہہ غم نہ ماری . جی ایہہ ہلکے کلہ بھاری نہ
کر نہ خراج دینا پتہ . دینے تاک مریدا نہ

دل ہی مومن دل ہی کافر

دل ہی مومن دل ہی کافر ، دل ہی گنگا نہادے ہو
دل ہی عالم دل ہی فاضل ، دل ہی کے جاوے ہو
دل ہی مرشد دل ہی طالب ، دل ہی بت پجاوے ہو
میں قربان ہاں جیہڑا باہو ، دل توں غیر ہٹاوے ہو

دل کالے کولوں منہ کالا چنگا

دل کالے کولوں منہ کالا چنگا جے اُسنوں جانے ہو
منہ کالا دل اچھا ہووے تاں دل یار پچھانے ہو
ایہہ دل یار دے پچھے ہووے متاں یار دی کدی پچھانے ہو
سے عالم چھوڑ مستیاں ٹھے باہو جد لگے نیں دل نکانے ہو

دل دا دفتر وحدت والا

دل دا دفتر وحدت والا دائم کریں مطالبیا ہو
ساری عمراں پڑھدیاں گزری جہاں دے وچہ جالیا ہو
اگو اسم دل اللہ دا رہیں اپنا سبق مطالبیا ہو
دوہیں جہاں غلام تہاندے باہو جیوں دل اللہ سمجھا لیا ہو

درد اندر دا اندر ساڑے

درد اندر دا اندر ساڑے باہر کراں تا گھائل ہو
حال اساڈا کیوں اوہ جانن جو دنیا تے ماںل ہو
بجر سمندر عشقے والا ہر دم رہندا حائل ہو
پہنچ حضور اسان نہ باہو اسان نام ترے دے ساںل ہو

درد منداں دیاں آپیں کولوں

درد منداں دیاں آپیں کولوں ، پتھر پہاڑوں جھڑدے ہو
درد منداں دیاں آپیں کولوں ، ناگک زمینے وڑدے ہو
درد منداں دیاں آپیں کولوں ، راتیں تارے جھڑدے ہو
درد منداں دیاں آپیں کولوں ، باہو مول نہ ڈردے ہو

درد منداں دے دھوئیں دُھکدے

درد منداں دے دھوئیں دُھکدے ڈردا کوئی ناں سیکے ہو
انہاں دھواں دے تا تکھیرے محرم ہووے تاں سیکے ہو
چھک شمشیر کھڑا ہے سرتے ترس پوس تاں تھیکے ہو
ساہورے کڑیے اپنے ونجناں باہو سدا ناں رہناں سیکے ہو

درد منداں دا خون جو پیندا

درد منداں دا خون جو پیندا کوئی برہوں باز مریلا ہو
چھاتی دے وچہ کیتس ڈیرا جیویں شیر بیٹھا مل بیلا ہو
ہانھی مست سدوری داگوں کردا پیلا پیلا ہو
اس پیلے دا سواس ناں گجے باہو پیلے باجھ ناں ہوندا میلا ہو

دین تے دنیا سکیاں بھیناں

دین تے دنیا سکیاں بھیناں تینوں عقل نہیں سمجھیندا ہو
دونوں اکس نکاح وچہ آون تینوں شروع نہیں فرمیندا ہو
جویں اگ تے پانی تھان اکتے وچہ داسا نہیں کریندا ہو
دوہیں جہانیں مٹھا باہو جیہڑا دعویٰ کوڑ کریندا ہو

دنیا گھر منافق دے

دنیا گھر منافق دے یا گھر کافر دے سونہدی ہو
نقش نگار کرے بہترے زن خواہاں سبھ مونہدی ہو
بجلی داگوں کرے لشکارے سردے اتوں جھوندی ہو
حضرت عیسیٰ دی سلجھ داگوں باہوراہ دیندیاں نوں کونہدی ہو

دنیا ڈھونڈن والے کتے

دنیا ڈھونڈن والے کتے در در پھرن حیرانی ہو
اڈی اتے ہوا تہاں دی لڑیاں عمر دہانی ہو
عقل دے کوتاہ سمجھ نہ جان پیوں لوڑن پانی ہو
باجھوں ذکر ربے دے باہو کوڑی رام کہانی ہو

دین گنویا دنیا چکھے

دین گنویا دنیا چکھے ، آہی دنیا کھوٹی ہو
تھہ کوزہ تے گل وچہ تسبیح ، سر تیرے تے ٹوپی ہو
جس دم داتوں مان کرینائیں ، اس نوں پئی ہوئی لوٹی ہو
ترک چا کر دنیا نوں باہو ، سر تے قبر کھلوتی ہو

دڈھ تے دہی ہر کوئی رڑکے

دڈھ تے دہی ہر کوئی رڑکے عاشق بھا رڑکیندے ہو
تن چٹورا من مدھانی ، آپیں نال ہلیندے ہو
دکھاندا نیرا کڈھے لسکارے غماندے پانی پیندے ہو
نام فقیر تہاں دا باہو جیہڑے ہڈاں نوں مکھن کڈھیندے ہو

اچھے تارے رات وہانی

اچھے تارے ات وہانی ، ہانگ شروش ستالی ہو
 دل دے جانی لہ سدا جانے ، کاکک غماں دی آئی ہو
 تن من ساز کے کولے کیا ، غم نے جان جلائی ہو
 دم مارن دی جاو نہ پانو ، کاتب قلم دکائی ہو

ذاتے نال نہ ذاتی رلیا

ذاتے نال نہ ذاتی رلیا سو کذاب سدجے ہو
 غس مٹے نون جھ کرہاں چا قیرہ قیم کچھ ہو
 ذات صفات توں مہتاں آوے جہاں ذاتی عشق ہو
 نام فقیر تہاں دا ہانو قیر جہاں ملی جوئے ہو

ذکر فکر سب ارے آوے

ذکر فکر سب ارے آوے ہون جان فدا نہ قانی ہو
 فدا قانی تہاں حاصل ہوئے دس لامکانی ہو
 فدا قانی انہاں آوے ہون تہاں پکھی عشق دی کانی ہو
 ہو دا ذکر سڑجھا ہر دم پانو پار نہ ملیا جانی ہو

ذکر کتبوں کر فکر ہمیشہ

ذکر کتبوں کر فکر ہمیشہ نہ قلا عجا کتبوں ہو
 کتبوں آہیں تے ہان جادوں فکر کرن امرتوں ہو
 فکر دا مہلا کوئی نہ جیسے پکے نوحہ پھلاوں ہو
 تن دا کرا آئیں پانو رب رکے فکر دی ماروں ہو

روندی چھوڑ گیا دوج جمل دے

روندی چھوڑ گیا دوج جمل دے ، اوجڑاں کلا سے بھانے ہو
 نہ پلا نہ رنگ نہیں دا ، نہ اوہ کوزک دھانے ہو
 نال صدق دے جمل دوج دہاں ، سولا مانی آنے ہو
 کال مرشد ہانکوں پانو ، رونے نہیں لوانے ہو

راتمیں کتیا رات امیریا

راتمیں کتیا رات امیریا ، راتمیں عیاں آوے ہو
 کتبوں کھ لڑی پے گی ، رب نون سول نہ بھانے ہو
 پار نوکھا ترہ رلیا ، دانے نال نہ دانے ہو
 قسمت چا دکایا پانو ، رب نون ایچی بھانے ہو

راہ فقر دا پرے پریرے

راہ فقر دا پرے پریرے اوڑک کوئی نہ دتے ہو
 نہ اوتھے علم نہ پڑھن پڑھاون نہ اوتھے مسئلے قصے ہو
 اہ ہے دنیا بت پرستی مت کوئی اس تے دتے ہو
 موت فقیری جیں سر آوے باہو معلم ہووے تے ہو

راتیں رتی خواب نہ آوے

راتیں رتی خواب نہ آوے دیہاں بہت حیرانی ہو
 عارف دل گل عارف جانے کیا جانے نفسانی ہو
 کر عبادت کجھ حاصل تھیوے ایویں ضائع گئی جوانی ہو
 حق حضور تنہاں نوں باہو جہاں ملیا پیر جیلانی ہو

راہ فقر دا تلد ہوسی

راہ فقر دا تلد ہوسی جد ہتھ پھڑوے سے کاسہ ہو
 تارک دنیا توں تداں تھیویں جد فقر ملیوسی خاصہ ہو
 دریا وحدت دا نوش کیتوس اجاں بھی جی پیاسہ ہو
 راہ فقیری رت ہنجو روون باہو لوکاں بھانے ہاسہ ہو

رات اندھیری کالی دے وچ

رات اندھیری کالی دے وچ عشق چراغ کراندا ہو
 جیندی سبک کنوں دل نیویں توڑے نیں آواز سناندا ہو
 ادھڑ جھل تے مارو بیلے اوتھے دم دم خوف شہاندا ہو
 جل تھل جنگل گئے جھکیندے باہو کامل نینھ جہاندا ہو

روزے نفل نمازاں تقوے

روزے نفل نمازاں تقوے سبھے کم حیرانی ہو
 اینہیں گلئیں رب حاصل ناہیں خود خوانی خود دانی ہو
 ہمیش قدم جلیندا ملیو سو بار یار نہ جانی ہو
 ورد وظیفے تھیں چھٹ رہسی باہو جد ہو رہسی فانی ہو

راتیں نین رت ہنجو روون

راتیں نین رت ہنجو روون دیہاں غمزدہ غم دا ہو
 پڑھ توحید وڈیا تن اندر سکھ آرام نہ سم دا ہو
 سر سولی تے چا ٹنگیو تے ایہا راز پریم دا ہو
 سدھا ہو کر ہیوے باہو قطرہ رہے نہ غم دا ہو

راتیں خواب نہ انہاں ہرگز

راتیں خواب نہ انہاں ہرگز جہڑے اللہ والے ہو
 باغاں والے بوٹے وانگوں طالب نت سنبھالے ہو
 نال نظارے رحمت والے کھڑے حضوروں پالے ہو
 نام فقیر تنہاں دا باہو جو گھر بیٹھیاں یار دکھالے ہو

رحمت اس گھر وچ دتے

رحمت اس گھر وچ دتے جتھے بلدے دیوے ہو
 عشق ہوئی چڑھ گئے فلک تے کتھے جہاز گھیسے ہو
 عقل فکر دی بیڑی اوتھے پہلے پور ڈیسے ہو
 ہر جا جانی دتے باہو کتول نظر کچھوے ہو

زبانی کلمہ ہر کوئی آکھے

زبانی کلمہ ہر کوئی آکھے دل دا پڑھدا کوئی ہو
 جتھے کلمہ دل دا پڑھیے اوتھے جیھے ملے نہ ڈھوئی ہو
 دل دا کلمہ عاشق پڑھدے کیہہ جانن یار کلوئی ہو
 کلمہ پار پڑھا باہو میں سدا سوہاگن ہوئی ہو

زاہد زہد کریندے تھکے

زاہد زہد کریندے تھکے روزے نفل نمازاں ہو
 عاشق غرق ہوئے وچ وحدت اللہ نال محبت رازاں ہو
 جیہڑی مکھی قید شہد وچ ہوئی کیہہ اڈسی نال شہبازاں ہو
 جہاں مجلس نال نبی دے باہو اہ صاحب راز نیازاں ہو

سینے وچ مقام ہے کیس دا

سینے وچ مقام ہے کیس دا ، مرشد گل سمجھائی ہو
 ایہو ساہ جو آدے جاوے ، ہور نہیں شے کائی ہو
 اس نوں اسم الاعظم آکھن ، ایہو سر الہی ہو
 ایہو موت حیاتی باہو ، ایہو بھیت خدائی ہو

سوز کنول دل سڑیا سارا

سوز کنول دل سڑیا سارا تے دکھاں ڈیرے لائے ہو
 کوئل وانگ کوکیندی وتاں متاں مولا مینہ برسائے ہو
 بول پیہا رت ساون آئی نہ ونجن دن ضائع ہو
 ثابت قدم تے قدم اگوہاں باہو تیتھوں اہ گل یاد دلانے ہو

سبق صفائی سوئی پڑھدے

سبق صفائی سوئی پڑھدے جو وت پنے ذاتی ہو
 علموں علم انہاں نوں ہو یا اصلی تے اثباتی ہو
 نال محبت نفس گٹھو نے کڈھ قضا دی کاتی ہو
 پر بہرہ خاص انہاں نوں باہو جہاں لدھا آب حیاتی ہو

سے روزے سے نفل نمازاں

سے روزے سے نفل نمازاں سے سجدہ کر کر تھکے ہو
 سے واری مئے حج گزارن دل دی دوز نہ مئے ہو
 چلے چلے جنگل بھوناں اس گل تھیں نہ پتے ہو
 سب مطلب حاصل ہوندے باہو جد پیر نظر اک تئے ہو

سن فریاد پیراں دیا پیرا

سن فریاد پیراں دیا پیراں میں آکھ سداواں کینوں ہو
 ترے جیہا مینوں ہور نہ کوئی میں جیہاں لکھ تینوں ہو
 پھول نہ کاغذ بدیاں والے ورتوں دھک نہ مینوں ہو
 میں وچ ایڈ گناہ نہ ہوندے باہو توں بخشیدوں کہنیوں ہو

سب تعریف کو یشر کردے

سب تعریف کو یشر کر دے کارن دُر بحر دے ہو
 شش فلک تے شش زمیناں شش پانی اُتے تر دے ہو
 چھیاں حرفاں دے سخن اٹھاراں اوتھے دو دو معنی دھر دے ہو
 پر حق پچھانیاں ناہیں باہو پہلے حرف سطر دے ہو

سن فریاد پیراں دیا پیرا

سن فریاد پیراں دیا پیرا میری عرض سنیں کن دھر کے ہو
 میرا بیڑا اڑیا وچ کچھراں تے جتھے چھ نہ بہندے ڈو کے ہو
 شاہ جیلانی محبوب سبحانی میری خبر لیو جھٹ کر کے ہو
 پیر جہاں دا میراں باہو سوئی کدھی لگ دے تر کے ہو

شور شہر تے رحمت دے

شور شہر تے رحمت دے جتھے باہو جالے ہو
 باغباناں دے بوٹے وانگوں ، طالب نت سمہالے ہو
 نال نظارے رحمت والے کھڑا حضوروں پالے ہو
 نام فقیر تنہاں دا باہو ، جہڑا گھر وچ یار دکھالے ہو

شریعت دے دروازے اُچے

شریعت دے دروازے اُچے راہ فقر دا موری ہو
عالم فاضل لنگھن نہ دیندے ، جو لنگھدا سو چوری ہو
پت پت اٹال دئے مارن درد مندال ڈے کھوری ہو
راز مہی دا عاشق جانن باہو ، کی جانن لوک اتھوری ہو

صفت ثنائیں مول نہ پڑھدے

صفت ثنائیں مول نہ پڑھدے ، نہ جاپتے وچ ذاتی ہو
علم و عمل اونہاں وچ ہودے ، جیہڑے اصلی تے اثباتی ہو
نال محبت نفس کٹھنیں ، گھن رضا دی کاتی ہو
چوداں طبت دلے دے اندر باہو ، پا اندر دی جھاتی ہو

صورت نفس لتارہ دی کوکے

صورت نفس لتارہ دی کوکے ، کتا پاگل ہو نہالا ہو
کوہے ، نوچے ، لہو ہونے ، منگے چرب نوالا ہو
کھئے پاسوں اندر بیٹھا ، دل دے نال سنبھالا ہو
ایہہ بد بخت ہے بھگنا باہو ، اللہ کر سی ٹالا ہو

ضروری نفس کتے نوں

ضروری نفس کتے نوں ، قیما قیم کیجے ہو
نا محبت ذکر اللہ دا ، دم دم پیا پڑھیوے ہو
ذکر کنوں رب حاصل تھیدا ، ذاتوں ڈا سدھیوے ہو
دوہیں جہان غلام آتھیاں نوں باہو ، جہاں ذات لکھیوے ہو

طالب غوث الاعظم والے

طالب غوث الاعظم والے ، شالا کدے نہ ہودن ماندے ہو
جیندے اندر عشق دی رتی ، سدا رہن کر لاندے ہو
جینوں عشق لمن دا ہودے ، لے خوشیاں نت آندے ہو
دوہیں جہاں نصیب تھاندے باہو جیہڑے ذاتی اسم کماندے ہو

طالب بن کے طالب ہونویں

طالب بن کے طالب ہونویں ، ادسے نوں پیا گانویں ہو
سچا لڑہادی دا پھڑ کے ، اوہو توں ہو جانویں ہو
کلے دا توں ذکر کمانویں ، کلے نال نہانویں ہو
اللہ تینوں پاک کر لسی باہو جے ذاتی اسم کمانویں ہو

ظاہر دیکھاں جانی تائیں

ظاہر دیکھاں جانی تائیں ، نالے دتے اندر سینے ہو
 برہوں ماری میں نت پھراں ، مینوں ہسن لوک ناہینے ہو
 میں دل دچوں ہے شوہ پایا ، لوک جاوَن مکے مدینے ہو
 کہے فقیر میراں دا باہو ، سب دلاں دے وچ خزینے ہو

عشق موذن دیاں بانگاں

عشق موذن دیاں بانگاں کنیں بلیل پیوی ہو
 خون جگر دا کڈھ کرہاں وضو صاف کیتوی ہو
 سن تکبر فٹائے دل مڑن محال تھیوی ہو
 پڑھ تکبیر تھیوی اصل باہو تاہیں شکر کیتوی ہو

عاشق پڑھن نماز پروردی

عاشق پڑھن نماز پروردی میں دہج حرف نہ کوئی ہو
 جیہا کیا نت نہ سکے دتھے درد منداں دل ڈھوئی ہو
 اکھیں نیرتے خون جگر دا بولتھے وضو پاک کریوی ہو
 باہو جیہہ نہ لینے تے ہونٹھ نہ پھڑکن خاص نمازی سوئی ہو

عشق سمندر چڑھ گیا فلک تے

عشق سمندر چڑھ گیا فلک تے ، کتول جہاز گھتوے ہو
 عقل فکر دی ڈونڈی نوں چا پہلے پور بوڑیوے ہو
 کڑکن کپڑے کے پون لہریں جداں وحدت وچ ڈڑیوے ہو
 جس مرنے تھیں خلقت ڈردی باہو عاشق مرے تال جیوے ہو

علمے باجھ کوئی فقر کماوے

علمے باجھ کوئی فقر کماوے کافر مرے دیوانہ ہو
 سے درہیاں دی کرے عبادت رہے اللہ کنوں بیگانہ ہو
 غفلت کنوں نہ کھلسن پردے دل جاہل بت خانہ ہو
 میں قربان تہاندے باہو جہاں ملیا یار بیگانہ ہو

عاشق عشق ماہی دے کولوں

عاشق عشق ماہی دے کولوں کدی نہ تھیندے دانڈے ہو
 نیند حرام تہاں تے ہوئی جہوے ذاتی اسم کماندے ہو
 ہک پل مول آرام نہ آوے دن رات پھرن گرانڈے ہو
 جہاں الف صحیح کر پڑھیا باہو واہ نصیب تہاندے ہو

عاشق ہوویں تے عشق کماویں

عاشق ہوویں تے عشق کماویں دل رکھیں وانگ پہاڑاں ہو
لکھ لکھ بدیاں ہزار الہیہ کر جانیں باغ بہاراں ہو
منصور جہے چک سولی دتے جہڑے واقف کل اسراراں ہو
سجدیوں سر نہ چاہئے باہو توڑے کافر کہن ہزاراں ہو

عاشق عشق ماہی دے کولوں

عاشق عشق ماہی دے کولوں نت پھرن ہمیشہ کھیوے ہو
جہنے جیندیاں جان ماہی نول دتی اہ دوہیں جہانیں جہوے ہو
شمع چراغ جہاں دل روشن سو کیوں بان دیوے ہو
عقل فکر دی سوچ نہ باہو اوتھے قیسا قیسا کیوے ہو

عاشق سوئی حقیقی جہڑا

عاشق سوئی حقیقی جہڑا قتل معشوق دے مئے ہو
عشق نہ چھوڑے مکھ نہ موڑے توڑے سے تگواراں کھئے ہو
جہول دیکھے راز ماہی دے لے اوسے ہتے ہو
سچا عشق سین علی دا باہو سر دتا راز نہ بھئے ہو

عشق دی بھاہ ہڈاں دا بالن

عشق دی بھاہ ہڈاں دا بالن عاشق بہ سکیندے ہو
گھت کے جان جگر وچ آ رہ دیکھ کباب تلیندے ہو
سرگردان پھرن ہر ویلے خون جگر دا پیندے ہو
ہوئے ہزاراں عاشق باہو پر عشق نصیب کھیندے ہو

عاشق ہکو وضو جو کیتا

عاشق ہکو وضو جو کیتا روز قیامت تائیں ہو
وچ رکوع نماز سجودے رہندے سچ صاحبیں ہو
اتھے اوتھے دوہیں جہانیں سب فقر دیاں جائیں ہو
عرش کولوں سے منزل لٹے باہو وچ پیا کم تنہائیں ہو

عاشق دا دل موم برابر

عاشق دا دل موم برابر معشوقاں دل کالے ہو
طعمہ دے کے ٹر ٹر تکتے جیون بازاں دے چالے ہو
باز بیچارہ کیوں کر اڈے پیریں پیس دیوانے ہو
تے جیں دل خرید نہ کیتا باہو گئے جہانوں خالے ہو

عشق دی بازی ہر جا کھیڈی

عشق دی بازی ہر جا کھیڈی شاہ گدا سلطاناں ہو
عامل ، فاضل تے عامل کمال کردا چا حیراناں ہو
تنبو ٹھوک بیٹھا وچ دل دے چا توڑس خلوت خاناں ہو
عشق امیر فقیر ملیندے باہو ، دوجا کون بیگاناں ہو

عشق ماہی دے لائیاں اگس

عشق ماہی دے لائیاں اگس انہاں لکیاں کون بھادے ہو
میں کیہ جاناں ذات عشق دی کہی جہا در در جا بھکاوے ہو
نہ خود سوویں نہ سوون دیوے ہتھوں ستیاں آن جگاوے ہو
میں قربان تنہاں دے باہو جہا وچھڑے یار ملاوے ہو

عشق حقیقی جہاں پایا

عشق حقیقی جہاں پایا مونہوں نہ کجھ الاون ہو
دم دم دے وچ آکھن مولا ، دل نوں قید لگاؤن ہو
سروری قادری خفی خفائی براسی ذکر کماؤن ہو
میں قربان تنہاں تھیں باہو جہڑے ہک نگاہ وچ آون ہو

عشق دریا محبت دے وچ تھیں

عشق دریا محبت دے وچ تھیں مردانے تریے ہو
جھجھے پون غضب دیاں لہراں قدم اتھائیں دھریے ہو
اوجھڑ جھنگ بلائیں بیلے دیکھ دیکھ نہ ڈریے ہو
نام فقیر تہ تھیدا باہو وچ مطلب جد مرے ہو

عشق دیاں اولیاں گلاں

عشق دیاں اولیاں گلاں جہڑا شرع تھیں دور ہٹاوے ہو
قاضی چھوڑ قضا میں جاؤن عشق طمانچہ لاوے ہو
لوک ایانے میں دیون عاشقاں مت نہ بھاوے ہو
مڑن محال تنہاں نوں باہو جہاں صاحب آپ بلاوے ہو

عشق شوہ دے دل کھڑایا

عشق شوہ دے دل کھڑایا آپ بھی نالے کھڑیا ہو
کھڑیا کھڑیا ولیا ناہیں سنگ محبوباں دے رلیا ہو
عقل فکر دیاں سب بھل گمیاں جد دل عشقے نال ملیا ہو
میں قربان تنہاں تھیں باہو جہاں عشق جوانی چڑھیا ہو

عقل فکر دی جانہ کائی

عقل فکر دی جانہ کائی جتھے وحدت سر سبجانی ہو
 نہ اوتھے ملاں پنڈت جوتھی نہ اوتھے علم قرآنی ہو
 جد احد دکھالی دتی تاں گل ہووے فانی ہو
 علم تمام کیتو نے حاصل باہو کتاباں ٹھپ اسمانی ہو

عشق اسانوں لسیاں

عشق اسانوں لسیاں جاتا ہن کتھا آن مہاڑی ہو
 نہ سوویں نہ سون دیوے ہور ہیا بال رہاڑی ہو
 پوہ ماگھ منگے خربوزے میں کتھوں لسیاں واڑی ہو
 عقل فکر دیاں سب بھل گئیاں باہو جد عشق مچانی تاڑی ہو

عشق جہاں دے ہڈیں رچیا

عشق جہاں دے ہڈیں رچیا اہ پھر دے چپ چپاتے ہو
 لوں لوں دے وچ سوز باناں اہ کردے کنگلی باتے ہو
 اہ کردے وضو اسم اعظم راجہ دے دریا وحدت وچ نہاتے ہو
 تہ تھیں قبول نمازاں باہو جد یاراں یار پچھاتے ہو

عشق اسانوں لسیاں جاتا

عشق اسانوں لسیاں جاتا کر کر آوے دھائی ہو
 جتوں دیکھاں مینوں عشق دسیوے خالی جگہ نہ کائی ہو
 مرشد کامل ایسا ملیا جس دل دی تاکی لائی ہو
 میں قربان مرشد توں باہو جس دیا بھیت الہی ہو

عشق چلایا طرف اسماناں

عشق چلایا طرف اسماناں فرش عرش دکھایا ہو
 روہ نی دنیا ٹھگ نہ سانوں ساڈا لگے جی گھبرایا ہو
 اسیں پردیسی ساڈا وطن دور اڈا ایویں کوڈا لالچ لایا ہو
 مرنے تھیں پہلاں جو مر گئے باہو تہاں ہی رب نوں پایا ہو

عشق اسانوں لسیاں جاتا

عشق اسانوں لسیاں جاتا بیٹھا مار پتھلا ہو
 وچ جگر دے سنھ چالایوس کیتوس کم اولا ہو
 جاں اندر وڑ کے جھاتی پائی ڈٹھا یار اکلا ہو
 باجھوں ملیاں مرشد کامل باہو ہندی نہیں تسلا ہو

غوث قطب نے ارے اریرے

غوث قطب نے ارے اریرے عاشق جاہن اگیرے ہو
جہڑی منزل عاشق پہنچے اوتھے غوث نہ پاندے ہو
عاشق وچ وصال دے رہندے جہاں لامکانی ڈیرے ہو
میں قربان تنہاں تو باہو جہاں دا تو ذات بسیرے ہو

فجریں ویلے وقت سویرے

فجریں ویلے وقت سویرے نت اُن کریں مزدوری ہو
کاوَن اٹھاں بکے گلاں تریجی رلی چندوری ہو
مارن چیکاں تے کرن مشقت پٹ پٹ کدھن اگوری ہو
ساری عمر پیندیاں گزری باہو کدی نہ پئی آپوری ہو

فکر کنوں کر ذکر ہمیشہ

فکر کنوں کر ذکر ہمیشہ اور نظر تکتھا تگواروں ہو
ذاکر ہوئی جہڑے فکر کنوں بک پلک نہ فارغ یاروں ہو
عشق دا پٹیا کدی نہ چھٹیا پٹ سٹیا مڈھ پہاڑوں ہو
حق دا کلمہ باہو عاشق پاندے ربار کھیں فقر دے پاروں ہو

قلب نہ ہلیا تاں کیہ ہو یا

قلب نہ ہلیا تاں کیہ ہو یا کیا ہو یا ذکر ربانی ہو
روحی ، قلبی ، خفی ، ہزی سکھے راہ حیرانی ہو
شاہ رگ تھیں نزدیک اہ رہندا یار نہ ہلیا جانی ہو
نام فقیر تنہاں دا باہو جہڑے دس لامکانی ہو

کل قبیل کرئیسر کہندے

کل قبیل کرئیسر کہندے کارن در بحر دے ہو
شش زمین تے شش فلک تے شش پانی تے تردے ہو
چھیاں حرفاں وچہ سخن اٹھاراں دو دو معنی ہر دے ہو
مرشد ہادی سچی کر سمجھایا ہو اس پہلے حرف سطر دے ہو

کلمے دی کل تدا پیوسے

کلمے دی کل تدا پیوسے جہاں کل کلمے وچ کھولی ہو
عاشق کلمہ اوتھے پڑھدے جتھے نور نبی دی ہو لی ہو
چوداں طبق کلمے دے اندر کیا جانے خلقت بھولی ہو
اسانوں کلمہ پیر پڑھایا ہو جسد جاں او سے توں گھولی ہو

کلمیں دی کل تداں پیو سے

کلمیں دی کل تداں پیو سے جداں کلمیں دل نوں پھڑیا ہو
 بے درداں نوں خبر نہ کوئی درد منداں گل مرھیا ہو
 کفر اسلام دی کل تداں پیو سے جداں بھن جگر وچہ وڑیا ہو
 میں قربان تنہاں توں باہو جہاں کلمہ صحی کر پڑھیا ہو

کلمیں دی کل تداں پیو سے

کلمیں دی کل تداں پیو سے جداں مرشد کلمہ دیا ہو
 ساری عمر وچہ کفر دے جالی بن مرشد دے دیا ہو
 شاہ علی شیر بہادر داگن وڈھ کلمیں کفر نوں سنیا ہو
 دل صوفی تا ہووے باہو جاں کلمہ نوں لوں دیا ہو

کلمے لکھ کر وڑاں تارے

کلمے لکھ کر وڑاں تارے دی کیجے سے راہیں ہو
 کلمے نال بجھائے دونخ جتے آگ بے از گاہیں ہو
 کلمے نال پیشیں جاناں جتے نعمت سنج صباہیں ہو
 کلمے جیہی کوئی نال نعمت باہو اندر دوہیں سراہیں ہو

کلمے نال میں نہاتی دھوتی

کلمے نال میں نہاتی دھوتی کلمے نال ویای ہو
 کلمے میرا پڑھیا جنازہ کلمے گور سہائی ہو
 کلمے نال پیشیں جاناں کلمہ کرے صفائی ہو
 مژن محال تنہاں نوں باہو جہاں صاحب آپ بلائی ہو

کُن فیکون جدوں فرمایا

کُن فیکون جدوں فرمایا اساں بھی کولوں ہاسے ہو
 کئے ذات صفات رب دی آہی کئے جگ ڈھنڈیا سے ہو
 کئے لامکان اساڈا کئے آن بتاں وچہ پھاسے ہو
 نفس پلپت پلپتی کیتی باہو کوئی اصل پلپت تاں ناسے ہو

کیا ہو یا بت اودھڑ ہو یا

کیا ہو یا بت اودھڑ ہو یا دل ہرگز دور نہ تھیوے ہو
 سے کوہاں میرا مرشد وسدا مینوں وچہ حضور دسیوے ہو
 جیندے اندر عشق دی رتی اوہ بن شرابوں کھیوے ہو
 نام فقیر تنہاں دا باہو قبر جہاں دی جیوے ہو

کوک دلامتاں رب سے

کوک دلامتاں رب سے چا درد منداں دیاں آہیں ہو
 سینہ میرا دردیں بھریا بھڑکن بھاپیں ہو
 تیتلاں باجھ نہ بلن مثالاں درداں باجھ نہ آہیں ہو
 آتش نال یارا ناں لا کے باہو پھرا وہ سڑن کہ ناہیں ہو

کامل مرشد ایسا ہووے

کامل مرشد ایسا ہووے جیہڑا دھوبی داگنوں چھلے ہو
 نال نگاہ دے پاک کریندا وجہ بھی صبون ناں گتے ہو
 میلیاں نوں کر دیندا پچا وچہ ذرہ میل نہ رکھے ہو
 ایسا مرشد ہووے باہو جیہڑا لوں لوں دے وچے وٹے ہو

کر عبادت پچھو تاسیں

کر عبادت پچھو تاسیں تینڈی مہراں چار دھاڑے ہو
 تھی سوداگر کرے سودا جاں جاں ہٹ تاں تاڑے ہو
 مت جانی دل ذوق نئے موت مریندی دھاڑے ہو
 چوراں سادھاں دل پور بھریا باہو رب سلامت چاڑے ہو

گند ظلمات اندھیر غباراں

گند ظلمات اندھیر غباراں راہ نیں خوف خطر دے ہو
 کھ آب حیات منور چشمے اوتے سائے زلف عبر دے ہو
 کھ محبوب دا خانہ کعبہ جتھے عاشق سجدہ کردے ہو
 دو زلفاں وچہ نین مصلے جتھے چاروں مذہب ملدے ہو
 مثل سکندر ڈھونڈن عاشق اک پلک آرام نہ کردے ہو
 خضر نصیب جہاندے باہو اوہ گھٹ اوتھے جا بھروسے ہو

گیا ایمان عشقے دیوں پاروں

گیا ایمان عشقے دیوں پاروں ہو کر کافر رہیے ہو
 گھت زناں کفر دا گل وچہ بت خانے وچہ ہیے ہو
 جس خانے وچہ جانی نظر نہ آوے اوتھے سجدہ مول نہ دہیے ہو
 جاں جاں جانی نظر نہ آوے باہو توڑے کلمہ مول نہ کہیے ہو

گجے سائے رب صاحب والے

گجے سائے رب صاحب والے کجھ نہیں خبر اصل دی ہو
 گندم دانہ بہتا چکیا ہن گل پی ڈور ازل دی ہو
 پھاہی دے وچہ میں پئی تڑپاں بلبل باغ مثل دی ہو
 غیر دے تھیں سٹ کے باہو رکھے امید فضل دی ہو

گودڑیاں وچہ جان جہاندی

گودڑیاں وچہ جان جہاندی اوہ راتیں جاگن ادھیاں ہو
سک ماہی دی ٹکن نہ دیندی لوک اٹھے دیندے دیاں ہو
اندر میرا حق تپایا اساں کھلیاں راتیں کڈھیاں ہو
تن تھیں ماس جدا ہو یا باہو سوکھ جھلا رے ہڈیاں ہو

لا یحجان جہاں نوں ہو یا

لا یحجان جہاں نوں ہو یا فقر تنہا نوں سارا ہو
نظر جہاں دی کیمیا ہووے اوہ کیوں مارن پارا ہو
دوست جہاں دا حاضر ہووے دشمن لین نہ وارا ہو
میں قربان تنہا توں باہو جہاں ملیا نبی سوادا ہو

لکھن سکھیوئی تے لکھناں جاتا

لکھن سکھیوئی تے لکھناں جاتا کیوں کاغذ کیتو ضائع ہو
قط قلم نوں مارناں جانیں تے کاتب نام دھرایا ہو
سبھ صلاح تیری ہوتی تہادی باہو جہاں الف تے میم پکایا ہو
صحیح صلاح تہاں دی باہو جہاں الف تے میم پکایا ہو

لام لہوتے غیری دھندے

لام لہوتے غیری دھندے ہک پل مول نہ رہندے ہو
عشق تے پٹے رکھ جڑھاں تھیں اک دم ہول نہ سہندے ہو
جیہڑے پتھر دانگ پہاڑاں آہے اوہ لون وانگوں گل دھندے ہو
عشق سوکھا لاجے ہوندا باہو سبھ عاشق ہی بن بہندے ہو

لوک قبر دا کرسن چار

لوک قبر دا کرسن چار الحد بناؤن ڈیرا ہو
چٹکی بھر مٹی دی پاس کرن ڈھیر اچیرا ہو
دے درد گھراں نوں ونجن کوکن شیرا شیرا ہو
بے پرواہ درگاہ رب باہو نہیں فضلان باجھ نیڑا ہو

لوہا ہوویں پیا کٹیویں

لوہا ہوویں پیا کٹیویں تاں تلوار سدیویں ہو
کنگھی وانگوں پیا چریویں تاں زلف محبوب بھریویں ہو
مہندی وانگوں پیا گھوٹیویں تاں تلی محبوب رنگیویں ہو
دانگ کپاہ پیا بخیویں تاں دستار سدیویں ہو
عاشق صادق ہوویں باہو تاں رس پریم دی پیویں ہو

موتو والی موت نہ ملی

موتو والی موت نہ ملی جیسں وچہ عشق حیاتی ہو
موت وصال تھیںی ہک جدوں اسم پڑھیںی ذاتی ہو
عین دے وچوں عین جو تھیوے دور ہووے قربانی ہو
ہو اذکر ہمیش سزیندا باہو دینہاں سکھ نہ راتی ہو

مرشد وانگ سارے ہووے

مرشد وانگ سارے ہووے جیہڑا گھٹ گھالی گالے ہو
پاکھالی باہر کڈھے بندے گھڑے یا والے ہو
کنیں خوباں دے تدوں سہاون جدوں کٹھے پا اُجالے ہو
نام فقیر تہاندا باہو جیہڑا دم دوست سہالے ہو

مرشد مینوں حج مکے را

مرشد مینوں حج مکے را رحمت را دروازہ ہو
کراں طواف دوالے قبلت ہووے حج تازہ ہو
گھن فیکون جدو کاستیا ڈٹھا مرشد دروازہ ہو
مرشد سدا حیاں والا باہو اوہو خضر تے خواجہ ہو

مرشد کمال اوہ سبزیے

مرشد کمال اوہ سبزیے جیہڑا دو جگ خوشی دکھاوے ہو
پہلے گھڑے دا میٹے وت رب دا راہ سمجھاوے ہو
اس گل والی کندھی نوں چا چاندی خاص بناوے ہو
جسں مرشد اتھے کجھ نہ کیجا باہو اوہ کوڑے لارے لاوے ہو

مرشد میرا شہباز الہی

مرشد میرا شہباز الہی ونج رلیا سنگ حیریاں ہو
تقدیر الہی چھکیاں ڈوراں کداں ملسی نال نصیباں ہو
کوہڑیاں دے ڈکھ دور کریندا کرے شفا مریشاں ہو
ہراک مرض داداروٹو ہیں باہو کیوں کھتائیں وس طہیریاں ہو

مرشد وتے سے کوہاں تے

مرشد وتے سے کوہاں تے مینوں دے نیرے ہو
کی ہو یا بت اوہلے ہو یا پرواہ وتے وچہ میرے ہو
جہاں الف دی ذات صحتی کیتی اوہ رکھدے قدم اگیرے ہو
نخن قرب لہے لیو سے باہو جھگڑے کل نیرے ہو

مرشد مکہ تے طالب حاجی

مرشد مکہ تے طالب حاجی کعبہ عشق بنایا ہو
وچہ حضور سدا ہر ویلے کرے حج سویا ہو
ہر دم میتھوں جداناں ہووے دل ملنے تے آیا ہو
مرشد عین حیاتی باہو میرے لوں لوں وچہ سما یا ہو

مرشد ہادی سبق پڑھایا

مرشد ہادی سبق پڑھایا بن پڑھیوں پیا پڑھیوے ہو
انگلیاں وچہ کنال دے دتیاں بن سنیوں پیا سنیوے ہو
نین نیناں ولوں تر تر تکدے بن ڈھیوں پیا ڈھیوے ہو
باہو ہر خانے وچہ جانی دسدا کن سراہ وہ رکھیوے ہو

مرشد باہجھوں فقر کماوے

مرشد باہجھوں فقر کماوے وچہ کفر دے بڈھے ہو
شیخ مشائخ ہو بہندے حجرے غوث قطب بن اڈے ہو
تسبیحاں نپ بہن مستی جوہں موش بہندا اوڑ کھڈے ہو
رات اندھاری مشکل پینڈا باہو سے سے آون ٹھڈے ہو

مال تے خان سب خرچ کراہاں

مال تے خان سب خرچ کراہاں کرے خرید فقیری ہو
فقر کنوں رب حاصل ہووے کیوں کچے دلگیری ہو
دنیا کارن دین و نجانوں کوڑی شنی پیری ہو
ترک دنیاں تھیں قادری کیتی باہو شاہ میراں دی میری ہو

میں کوچھی میرا دلبر سوہنا

میں کوچھی میرا دلبر سوہنا میں کیونکر اُسنوں بھانواں ہو
ویہڑے ساڈے وڑدا ناہویں پی لکھ ویلے پانواں ہو
ناں میں سوہنی ناناں دولت پلے کیونکر یار مناواں ہو
ایہہ دکھ ہمیشاں رہسی باہو رہ روٹدی ہی مر جانواں ہو

مذہباں دے دروازے آپے

مذہباں دے دروازے آپے راہ رہاناں موری ہو
پنڈتاں تے ملوانیاں کولوں چھپ چھپ لنگھیے چوری ہو
اڈیاں مارن کرن بکھیڑے درد منداں دے گھوری ہو
باہو چل اتھائیں ویسے جتھے دعویٰ ناناں کس موری ہو

میں شہباز کروں پرواز

میں شہباز کروں پرواز وچہ دریا کرم دے ہو
 زبان تاں میری کن برابر موڑاں کم قلم دے ہو
 افلاطون ارسطو جیہیں میرے لگے کم دے ہو
 حاتم جیہیں لکھ کروڑاں دربا ہودے منگدے ہو

نال کر سگی سنگ نہ کریئے

نال کر سگی سنگ نہ کریئے کل نون لاج نہ لائیے ہو
 تے ترہوز مول نہ ہوندے توڑے توڑ کے لے جائیے ہو
 کانواں دے بچے ہنس نہ تھیدے توڑے موتی چوگ چکائیے ہو
 کوڑے کھو نہ مٹھے ہوندے باہو توڑے سے مناں کھڑا پائیے ہو

نہیں فقیری جھلیاں مارن

نہیں فقیری جھلیاں مارن ستیاں لوک جگاوں ہو
 نہیں فقیری وہندیاں ندیاں سکیاں پار لنگھاوں ہو
 نہیں فقیری وچہ ہوا دے مصلے پا ٹھہراوں ہو
 فقیری نام تہاں دا باہو جیہے دل وچہ دوست نکاوں ہو

ناں رب عرش معلیٰ اُتے

ناں رب عرش معلیٰ اُتے نال رب خانے کعبے ہو
 نال رب علم کتابیں لبھا نال رب وچہ محرابے ہو
 گنگا تیر تھیں مول نہ ملیا مارے پینڈے بے حسابے ہو
 جد دا مرشد پڑھایا باہو چھٹے سب عذابے ہو

نت اساڈے کھلے کھاندی

نت اساڈے کھلے کھاندی ایہاں نیاز شتی ہو
 جیندے کارن بہہ بہہ روون شیخ مشائخ چشتی ہو
 جس جس اندر حب دنیا دی ڈاہڈی انہاں دی کشتی ہو
 دنیا ترک کرن ہے حضرت باہو خاصہ راہ بہشتی ہو

ناں میں عالم تاں میں فاضل

ناں میں عالم تاں میں فاضل تاں مفتی تاں قاضی ہو
 تاں دل میرا دوزخ منگے تاں شوق پیشیں راضی ہو
 تاں میں تریبے روز رکھے تاں میں پاک نمازی ہو
 باجھ وصال اللہ دے باہو دنیا کوڑی بازی ہو

ناں میں سنی ناناں میں شیعہ

ناں میں سنی ناناں میں شیعہ میرا دوہاں توں دل سڑیا ہو
مک گئے سبھ خشکی پینڈے جدوں دریا رحمت وچہ وڑیا ہو
کئی من تارے تر تر ہارے کوئی کنارے چڑھیا ہو
صحیح سلامت چڑھ پار گئے باہو جہاں مرشد دا لڑ پھڑیا ہو

ناں میں ہندو ناناں اوہ مومن

ناں میں ہندو ناناں اوہ مومن ناناں سجدہ دین مسیتی ہو
دم دم دے وچہ دیکھن مولا جہاں قضا نہ کیتی ہو
آپے دانے تے بنے دیوانے جہاں ذات صحتی و نچ کیتی ہو
میں قربان تنہاں توں باہو جہاں عشق بازی چن لیتی ہو

نفل نمازاں کم زاناں

نفل نمازاں کم زاناں روزے صرفہ روٹی ہو
کے دے دل سوئی جانڈے گھروں جہاں تروٹی ہو
اچیاں بانگاں سوئی دیوانیت جہاں دی کھوٹی ہو
کی پروا تنہاں توں باہو گھر وچہ لدھی بوہٹی ہو

ناں کوئی طالب ناناں کوئی مرشد

ناں کوئی طالب ناناں کوئی مرشد سب دلا سے مٹھے ہو
راہ فقر دا پرے پریرے سب حرص دنیا دے کٹھے ہو
شوق الہی غالب ہو یاں جند مرلے تے اوٹھے ہو
باہو جییں تن بھڑ کے بھانبر ہونڈی اون مرن ترہائے بھکھے ہو

ناں میں سیر ناناں پاچھٹا

ناں میں سیر ناناں پاچھٹا کی ناناں پوری سرساہی ہو
ناں میں تولہ ناناں میں ماشہ ہن گل ریتاں تے آئی ہو
رتی ہونواں ونج ریتاں تلالاں اوہ بھی پوری ناہی ہو
وزن تول پورا ونج ہوسی باہو جداں ہوسی فضل الہی ہو

نیڑے وسن دُور دسیوں

نیڑے وسن دُور دسیوں ویڑھے ناہیں وڑدے ہو
اندروں ڈھونڈن داوول نہ آیا مورکھ باہروں ڈھونڈوں چڑھدے ہو
دور گیاں کچھ حاصل ناہیں شوہ لہیے وچہ گھر دے ہو
دل کر صیقل شیشے وانگوں باہو دُور تھیوں کل پردے ہو
رنگ بھجوت ملیندے ڈٹھے سے جوان لکھینے ہو
میں قربان تنہاں توں باہو جیہڑے ہونڈیاں ہونڈی پینے ہو

وحدت دے دریا

وحدت دے دریا اچھے ہک دل صحتی نہ کیتی ہو
 ہک بت خانے واصل تھے ہک پڑھ پڑھ رہے مستی ہو
 فاضل چھڈ فضیلت بیٹھے عشق بازی جان لیتی ہو
 ہرگز رب نہ ملدا باہو جہاں ترٹی چوڑ نہ کیتی ہو

وحدت دا دریا الہی

وحدت دا دریا الہی جتھے عاشق لیندے تاری ہو
 مارن ٹیاں ہو کدھن موتی آپو آپی واری ہو
 در یتیم وچہ لیے لشکارے جیوں جن لاناں ماری ہو
 سو کیوں نہیں حاصل بھر دے باہو جہڑے نوکرنیں سرکاری ہو

ونجن سرتے فرض ہے مینوں

ونجن سرتے فرض ہے مینوں قول قالوا الہی ادا کر کے ہو
 لوک جانے متفکر ہوئیاں وچہ وحدت دے ڈر کے ہو
 شوہ دیاں باراں شوہ ونج لہیاں عشق تلہ سر دھر کے ہو
 جیوندیاں شوہ کسے نہ پایا باہو جیس لدھاتیں مر کے ہو

ویہہ ویہہ ندیاں تارو ہویاں

ویہہ ویہہ ندیاں تارو ہویاں بمبل چھوڑے کہاں ہو
 یار ساڈا رنگ مھلیں در تے کھلے سکا ہاں ہو
 ناں کوئی آوے ناں کوئی جاوے اسیں کیں ہتھے لکھ منجاہاں ہو
 جے خبر جانی دے آوے باہو کھڑکیوں پھل تھوہاں ہو

ہو دا جامہ پہن کر

ہو دا جامہ پہن کر ہاں اسم کہاوان ذاتی ہو
 کفر اسلام ذاتی نہ منزل ناں اوتھے موت حیاتی ہو
 شاہ رگ تھیں نزدیک لدھو سے پا اندرے جھاتی ہو
 اوہ اسال وچہ اسیں انہاں وچہ باہو دور رہی قرباتی ہو

ہک جاگن ہک جاگ نہ جاگن

ہک جاگن ہک جاگ نہ جاگن ہک جاگدیاں ہی ستے ہو
 ہک سریتاں جا واصل ہوئے ہک جاگدیاں ہی مٹھے ہو
 کے ہویا جے گھگو جاگے جیہڑا لیندا ساہ اپٹھے ہو
 میں قربان تنہاں توں باہو جہاں کھوہ پریم دے جتے ہو

ہک دم بجن تے لکھ دم ویری

ہک دم بجن تے لکھ دم ویری ہک دم دے مارے مردے ہو
ہک دم پچھے جنم گویا چور بنے گھر گھر دے ہو
لائیاں دا اوہ قدر کی جان جیہڑے محرم ناہیں سز دے ہو
سو کیوں دھکے کھا دن باہو جیہڑے طالب سچے در دے ہو

ہر دم شرم دی تند تر وڑے

ہر دم شرم دی تند تر وڑے جاں ایہہ چھوڑک ہلے ہو
کچرک بالاں عقل دا دیوا مینوں برہوں انہری جھلے ہو
اُڑ گیا ندے بھیٹ نیارے لکھ لعل جوہر زبے ہو
دھوتیاں داغ نہ لہندے باہو جہڑے رگ چھوڑے دھلے ہو

ہسن دتے کے روون لیوئی

ہسن دتے کے روون لیوئی تینوں دتا کس دلاسا ہو
عمر بندے دی اینہریں دہانی جیویں پانی وچہ پتاسا ہو
سوڑی اسامی سٹھ پلٹ نہ سکسیں پاسا ہو
تیتھوں صاحب لکھیا منکھسی باہو رتی گھٹ نہ ماسا ہو

ہور دوانہ دل دی کاری

ہور دوانہ دل دی کاری کلمہ دل دی کاری ہو
کلمہ دور زنگار کریندا کھمیں میل اتاری ہو
کلمہ ہیرے، لعل، جوہر، کلمہ ہٹ پیاری ہو
استھے او تھے دوہیں جہانیں باہو کلمہ دولت ساری ہو

ہکی ہکی پیڑ کولوں

ہکی ہکی پیڑ کولوں گل عالم کے عاشقاں لکھ لکھ پیڑ سہڑی ہو
جتھے دھن رُز دھن دا خطرہ ہووے کون چڑھے اس بیڑی ہو
عاشق چڑھدے ناں صلاحاں دے اونہاں تار کپور وچہ بھڑی ہو
جتھے عشق پیا تلدا ناں رتس دے باہو تھے عاشقاں لذت کھڑی ہو

یار یگانہ ملسی تینوں

یار یگانہ ملسی تینوں ، جے ہر دی بازی لائیں ہو
عشق اللہ وچہ ہو مستانہ ہو ہو سدا لائیں ہو
نال تصور رسم اللہ دے ، دم نوں قید لگائیں ہو
ذاتے نال جاں ذاتی رلیا تہ باہو نام سدا لائیں ہو

سد واک و آقا کرو مہربانیاں

اکھاں ایہہ نمائیاں روندیاں تے رہندیاں
 اک پل تیرا ایہہ وچھوڑا نہیںوں سہندیاں
 تیرے باجوں چمن میرے دل نوں نہ ملدا
 توں ایں سہارا اک دکھیانڈے دل دا
 ہر ویلے تیریاں اڈیکاں مینوں رہندیاں
 اکھاں ایہہ نمائیاں روندیاں تے رہندیاں
 بن بن ٹولیاں مدینے جدوں جاندیاں
 دیکھ دیکھ یاداں مینوں تیریاں ستاندیاں
 آ کے ہن دیکھ تے توں کی پیاں کہندیاں
 اک پل تیرا ایہہ وچھوڑا نہیںوں سہندیاں
 سد واک و آقا کرو مہربانیاں
 میں وی جا کے پھماں تیرے روئے دیاں جالیاں
 آساں تے امیدیاں پیاں ترے نے لیندیاں
 آکھاں ایہہ نمائیاں روندیاں تے رہندیاں
 گل سن جا رہیا جاندیا مدینے نوں
 آکھیں جا کے گلی والے گلنے نوں

ہونیاں اُتے پاواں میرے ناں تیرا لیدیاں
 اک پل تیرا ایہہ وچھوڑا نہیںوں سہندیاں
 پتہ نہیں نواز تھی اوہ ویلا کدوں آوے گا
 سانوں وی اوہ سوہنا جدوں کول بلاوے گا
 جدائیاں مینوں ونے راتیں ڈنگدیاں رہندیاں
 ہر ویلے تیریاں اڈیکاں مینوں رہندیاں

بس مل جائے مدنی ماہی

جیہدا ناں کوئی ثانی جگ وچہ
 جیہدا کلمہ پڑھے خدائی
 اوس نوں نجدیہ توں گھٹاویں
 جیہدی عاشق ذات الہی
 دو جگ تے ہے سایہ اُس دا
 جیہڑا دیس عرب دا ماہی
 یا رب ہو نواز نہیں منگدا
 بس مل جائے مدنی ماہی

آکھیں سوہنے نوں وائے نی

آکھیں سوہنے نوں وائے نی جے تیرا گزر ہووے
 میں مر کے وی نہیں مردا جے تیری نظر ہووے
 دم دم نال ذکر کراں میں تیریاں شاناں دا
 تیرے نام توں وار دیاں جنی میری عمر ہووے
 جے جین دا چاء رکھنا توں راہیا مدینے دیا
 سوہنے دے دوارے تے مر جاویں جے مر ہووے
 اوہدی ذات تے ہر ویلے پھل چڑھدے درداں دے
 چرچا میرے سوہنے دا پیا شام و سحر ہووے
 دیوانو بیٹھ رہو محفل نوں سجا کے تے
 شاید میرے آقا دا ایٹھوں وی گزر ہووے
 ایہو کردا اے جی میرا ملے اذن حضوری دا
 سرکار دی چوکھٹ تے کدی میرا وی سر ہووے
 کیوں فکر کرے دل وچہ ماسہ وی اگیرے دا
 اوہنوں ستے ای خیراں نہیں جیہدا سائیں مگر ہووے

(تمت بالخیر)